



Extrait de la revue **SingulierS** du 3^{ème} trimestre 2013

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Textes

Crédô ?

François NYNS
(Grâce-Hollogne)

Lès-abôminâcions, lès carnadjes, lès khatchrèyes, lès crwazâdes, lès templiers, li shoah, l' inkizicion, li Sint Bartélèmi, l' holocôsse ... Dominike, nike, nike ... Bouria dès Cathares, dès Albigeois ; lès macrales broûlêyes so dès fouwâs, lès-èfants vindous, fwèrcis ; God save the queen, God bless america èt la C.I.A., Gott mit uns, Allah ou Akbar, Dieu protège la Belgique et son roi ...

Dispôy k' on dit k' t' as fêt l' Umanité,
(Dihans-n' pus vite ki l' ome t' a-st-invanté)
So l' tère, ci n' èst k' ine boucherèye
Sins parèye !
Â no di t' No, di t' bîbe ou di t' coran,
Ènn-a-t-on mascrâwé dès djins èt dès-èfants !
La k' t' oûveûres d' âbitude, ni chômeûs-s' nin
Ine kinzin.ne ? Ni sèreût-c' ki tècnikmint ?
Ni fêt-on mây grève èt t' cwârtî ?
Come par ègzimpe, po dès condjîs payîs ?
Ni t' as-s' mây broûlé a 'ne tchandèle ?
K' on t' âreût polou mète so l' mutuwèle ?
Rin k' in-an, sins twè pasteûrs èt tès molas,
Tès pâpes, tès popes èt tès ayatolas,
Leûs âdios' èt leûs prêtchi-prétchas.

Nos-ouhènes d' a nosse sont vèyes après cinkante ans.

Divins lès tonkes, ènn-a k' ont pus d' mèye ans !

Pus vèyes sont-èle, mèyeûses sont-èle.

Dj' ô bin tès tampes, tès moskèyes, tès tchapèles.

In-an ! Nos pôris roter dvant nos-ôtes.

Sins pus nos trèbouhî, a fwèce dè fé l' apôte,

Li nez è l' èr po sayî

Di t' veûy ou bin di t' oyî.

Nos veûrîs-st-adon come li tère èst bèle

Èt k' tos lès-omes, valèt mî k' ine dringuèle.

Vas-è don fou d' mès oûy. T' ènn-as fêt pus' k' assez.

Èt puski tu n' sés nos l' apwèrter,

Foute-nos don l' pâye, in bone fèye a fé.

Malêjis mots

dispôy = depuis. / *k(i)hatchrèye* = boucherie. / *ouhène* = usine. / *pâye* = paix.